

**Zeitschrift:** Nebelspalter : das Humor- und Satire-Magazin  
**Band:** 79 (1953)  
**Heft:** 6

## Werbung

### Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

### Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

### Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

**Download PDF:** 15.03.2025

**ETH-Bibliothek Zürich, E-Periodica, <https://www.e-periodica.ch>**



## KABARETTISTEN IN DER KARIKATUR

gezeichnet von Benita Römer



Zarli Carigiet

### CURIOSUM VITAE

Zarli Carigiet bleibt als Stalin, Tell, Marronibrater und als Bauer immer der Bündner Zarli Carigiet, der mit seinem unverkennbaren Dialekt, seinem Wuschelkopf, seinem harten Lachen und dem südländischen Temperament die Kabarett-Texte so natürlich vorträgt, als kämen sie ihm spontan in den Sinn. Deshalb die unmittelbare Wirkung auf die Zuschauer, die auch dann nicht ausbleibt, wenn er einmal den Text vergißt und ihm sein Mutterwitz, den er vom Vater geerbt hat, über die Gedächtnislücke hinweghilft. Zarli ist im Reich des Kabarett ein kleiner Zar, er wird auch in die Geschichte eingehen. In die des Schweizer Kabarett. Gaudio

### Öppis Läbig

Üsen Unggle z Soledurn het zwe erwachsni Sün — scho chli fescht erwachsni übrigs. Si hei es schöns Familieläbe mitenand, aber dr Ungglen und di gueti Tante chöi eifach nid verschto, worum die Bürschtel nid wei hürote. (Under üs gseit: si hei e grüsli es liebs Muetterli, wo ne alli Wünsch vo den Augen ablist, und so wird me halt e chli wunderlig!)

Item, me mues d Hoffnig nid ufgää. Und wo der Jünger vo dene beidne Sün am Tag vor em Heiligoben alüet und brichtet, er bringi de hinecht öppis Läbig hei, do hetts natürlig e freudigi Ufregig gää. Dr Unggle het sech mit bsunderer Sorgfalt gschabet und i d Sunnigsschale gschtürzt, d Tante het no e feine Chueche bachtet und d Wonig i Sänkel gklöpft. Antli lütets! Dr Unggle het sech überzügt, daß d Grawatte emel jo nid scheps sigi, het sis verbindlechschte Lächlen ufgesetzt — jetz no e Zwick is Chrütz und zur Türe. Do schtoot mit emene schtraalende Lächle si Junior und drnäbe — — wädled es härzigs Hundeli und cha gar nid begriife, worum iim dä Ma so ooni Grueß dr Rügge cheert! BH



## De Butztüüfel

Vom Morge früe bis z Aabig schpaat  
tued dKathry nüüt als fääge,  
seys dSchtube, dChamer, der Aabee,  
seys dChuchi, dWinde, dSchtääge,

Seys vorem Huus, seys hinderem Huus,  
seys Sumer oder Winter,  
so ruckt si mitem Bäesen uus —  
Eerscht, wänn si schlaaft, verschwindt er.

Wännt niene me es Mösli gsescht,  
s wird gflederet und gflotschet  
und ales zunderobsi gcheert,  
bis s füechtet oder roschtet.

De Maa, das ischt en arme Tropf:  
Vom Chäler bis uf dWinde,  
im eerschte Schtock, im zweite Schtock,  
kä troches Plätzli zfinde!

Au mit der Rue isch es verby —  
was wott er derzue sääge?  
Wänn dKathry suscht nüd sälig wird,  
so wird si müese fääge!

«O Härrgott», bättet er all Nacht,  
«tue doch my Frau erlööse!  
E Schtund im Taag wäär mee als rächt,  
eso vill ischt vom Bööse!»


Rudolf Hägni

### Ein Gotthelf-Wort

Lachen ist ein Heilmittel, dessen stil-  
lende Kraft man nicht satksam ermifft.

# XYREEN

Für den  
gepflegten Herrn.  
Nach dem Rasieren  
erfrischend und  
desinfizierend.



# XYREEN

Panteen AG., Basel